



GOIZUETAKO UDALA

MIRIAM AROZENA SAN MIGUEL

Goizuetako Udalako Ordezko Idazkaria

NEUK ZIURTATUA: Goizuetako Udalbatzak, 2018ko ekainaren 26ean egindako ohiko bilkuran, besteen artean, erabaki hau hartu zuen

GOIZUETAKO UDALEKO BATZARRAREN ADIERAZPEN INSTITUZIONALA, EKAINAK 28, LGTBI+ PERTSONEN SEXU-ASKAPENERAKO NAZIOARTEKO EGUNA

49 urte igaro dira Stonewalleko errebolta geroztik. 1969ko ekainaren 27tik 28rako gauean New Yorkeko polizia Stonewall izeneko pub batean sartu zen transexual, lesbiana, gay eta bisexualak atxilotzeko. Euren eskubideak defendatzeko elkartzen ziren lehen aldia ez bazen ere, data hori mugarririk bihurtu zen diskriminazio- eta ikusezintasun-testuinguru batean: LGTBI+ pertsonen euren sexualitatea eta generoa modu askean bizitzeko antolatuta zuten borrokan katalizatzaile bat izan zen.

Orduz geroztik ekainaren 28an LGTBI+ pertsonen Sexu Askapenerako Nazioarteko Eguna ospatzen da: dibertsitatea eta egindako lorpenak ospatzeko eguna da, baita eskubideen eremuan aurrerantz egiteko falta den guztia aldarrikatzeko eguna ere.

Gaur egun oraindik ere LGTBI+ pertsonen mota guztietako diskriminazioak jasaten dituzte, askotan indarkeria barne: sexu-orientazioagatiko eta/edo genero identitateagatiko gorroto-delituak, heterosexualitatea arau gisa inposatzen dela agerian uzten duten hainbat diskriminazio eta eraso, trans kolektiboaren patologizazioa, trans diren haur eta nerabeentzako arreta egokirik eza, eta abar. Ez dugu ahaztu behar bidegabeko errealitate diskriminatzaile hori askoz handiagoa dela pertsona askorentzat euren arraza, jatorria, egoera administratiboa eta/edo sozioekonomikoa eta abar direla medio. Oraindik ere hori gertatzen ari da gure gizartean, eta gure betebeharra da LGTBI+ pertsonen aurkako diskriminazio mota oro ezabatzeko lan egitea. Araudiari eta ekintza espezifikoak martxan jartzeari dagokienez aurrerapausoak eman diren arren, oraindik lan asko egin behar da LGTBI+ pertsonen euren eskubide guztiez egun guztietan goza dezaten defendatzeko eta sexualitatea eta generoa bizitzeko modu eta adierazpen guztien normalizatorantz beharrezko gizarte-aldaketa gauzatzeko.

Egun honetan ezin dugu ahaztu Euskal Herrian mugimendu LGTBI+ eta feminista osatzen duten pertsona guztien borrokaren aldarrikapena, izan ere, eguneroko zereginetan eta diskriminazio mota oro ezabatzeko lan eginez, gizarte benetan bidezkoa, igualitarioa eta feminista eraikitzeko funtsezko ekarpena egiten baitute. Euren borrokari laguntzeko gure konpromiso politikoak egunerokoa izan behar du, ez soilik adierazpenak eginez, baizik eta gizarte-ordezkariekin adostutako ekintzak martxan jartzeko giza baliabideak, baliabide



GOIZUETAKO UDALA

teknikoak eta ekonomikoak konprometitzuz, betiere ikuspegi feminista eta eraikitzailearekin.

Funtsezko giza eskubideez, norberaren identitatea definitzeko eta identitate hori askatasunez bizitzeko eskubideaz ari gara.

Horregatik, Batzar Nagusi honek konpromisoa hartzen du honako hau egiteko:

1) Bere politiketan sexu-aniztasuneko eta genero-identitateko ikuspegia sartzea, eta zehazki:


- Diskriminazioaren prebentziorako eta identitate eta praktika sexu-afektibo ez heteroarautzaileak, askotarikoak eta askatasunean egindakoak garatzeko ekintzak barnean hartzen dituzten baterako hezkuntza feministako programak martxan jartzea, beharrezko baliabideak bermatuz.
- Diskriminazioa jasaten duten LGTBI+ pertsona guztiei, eta bereziki beren sexu, arraza, jatorri, egoera administratibo eta abarregatik kalteberatasun handiagoko egoeran dauden pertsonen laguntza eskaintzea.
- LGTBI+ adineko pertsonen arreta egokirako zerbitzuak sustatzea.
- Gure eskumenen esparruan, beste leku batzuetatik iristen diren eta beren sexu orientazioaren eta/edo genero-identitatearen ondorioz jazarpena jasaten dutela adierazten duten pertsona guztientzako arreta osoa eskaintzea.
- Mugimendu LGTBI+ eta feministekin etengabeko komunikazio- eta lankidetzakanalak mantentzea, eta ekimen bateratuak martxan jartzeko baliabideak erraztea.
- Eta abar.

Herritarrei dei egiten diegu, mugimendu LGTBI+ eta feministek gure udalerrri eta hirietan deitzen dituzten ekintzetan parte har dezaten.

Denontzako askea eta bidezkoa den Euskal Herri baten alde

Honela jasota gera dadin eta behar den lekuan ondorio egokiak sor ditzan, ziurtagiri hau luzatu eta sinatzen dut Alkate Jaunak ontzat emanik, Goizuetan 2018ko ekainaren 28an.


ALKATEA
Izpta.: Unai Loiarde Ansa

IDAZKARIA


Izpta.: Miriam Arozena San Miguel